

Dados relatados 18 Novembro 2020

SUMÁRIO

- Kazu COVID-19 ikus alta ona iha loron 14 Novembru 2020. Agora daudaun, laiha kazu COVID-19 ativu iha rai laran.
- OMS fó apoiu finanseiru hodi hala’o atividade promosaun saude iha nivel komunitáriu iha Dili. Atividade ne’e hala’o liuliu hodi promove no haforsa liután medida preventiva COVID-19 nian ba comunidade sira ne’ebé maka foka ba prevensaun kontrolu infesaun (PKI). Atividade ida ne’e sei kontinua ho semináriu durante loron rua kona-ba jestaun kazu ba públiku, jestaun kazu ba inan isin-rua sira ho COVID-19 no mós PKI. Atividade ida ne’e mós hanesan parte ida hosi aniversáriu tinan 20 Asosiasaun Parteira Timor-Leste.
- MS no SAMES hamutuk ho UNICEF no WHO participa iha orientasaun ba pesoál sira ne’ebé envolve iha jestaun korrente fornecimentu vasina no monitór ba ferramentas no rekursu ba planu no prepara kapasidade korrente malirin ba vasina COVID-19 nian bainhira asesivel. MS apresenta ona situasaun atuál nasaun nian kona-ba lojístiku nasonál no ekipamentus korrente malirin.
- Ho apoiu hosi OMS, Diresaun Nasionál Farmasia no Medikamentu hala’o enkontru konsultativu ho objetivu diskuti kona-ba esbosu ba Matadalan ba Padraun Tratamentu ba Kuidadu Saúde Primáriu ho representante médiku sira hosi PES, SSK, no ospital referál Maliana. Esbosu ne’e desenvolve hela ho lideransa hosi Komisaun Nasionál CSMPEM iha Diresaun Farmasia nia mandatu.
- Atu haforsa liután Planu Bee Seguru programa auditoria iha rai laran, OMS facilita treinamentu virtúál kona-ba Planu Bee Seguru nian prinsipiu no planu. Objetivu hosi treinamentu semana ida ne’e atu haforsa sira-nia koñesimentu kona-ba prinsipiu Planu Bee Seguru, hala’o ho atualiza auditoria ba Planu Bee Seguru. Alende ne’e, fahe mós materiál auditoria Planu Bee Seguru nian ne’ebé maka bele adapta tuir kontestu nasaun nian hodi bele suporta kapasidade auditoria Planu Bee Seguru nasonál no ba desenvolvimentu no prátika. Representante hosi Ministériu Saúde, Ministériu Obras Públiku, Universidade da Paz mós hola parte iha treinamentu virtúál ida ne’e.

SITUASAUN IHA NÚMERU

Totál no kazu (foun) iha Timor-Leste

30 konfirmadu (**foun 0**)
0 mate

(Bazeia ba dados ne’ebé pública iha [Ministerio da Saúde](#))

Tuir pájina WHO Timor-Leste
[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne’e](#).

SITUASAUN GLOBÁL


Totál kazu (foun) iha loron hitu nia laran

Globalmente

53 766 728 konfirmadu (**3 977 223**)
1 308 975 mate (**59 699**)




Data notifikasaun kazu foun no kumulativu COVID-19 iha Timor-Leste
(17-Nov-2020 : kazu foun-0 kumulativus-30)



Source : Direcção Nacional Controlo de Doenças - Departamento Vigiância Epidemiologia

Total Teste Laboratoriu


(17-Nov-2020 : Total Numeru Testes-309 kumulativus-12970)



Source : Direcção Nacional Controlo de Doenças - Departamento Vigiância Epidemiologia

Teste Laboratoriu : COVID-19 Timor-Leste


(17-Nov-2020 : Kumulative figures)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste

(17-Nov-2020 : Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIA

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigoroza tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho desinfetante ka fase ho sabaun no bee

Tanbasá? Fase ita-nia liman ho sabaun no bee ka uza desinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus kaibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin klood, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Taka ibun no inus bainhira me'ar
- Labele ka'er matan, inus no ibun
- Evita ba fatin públiku no limita tempu iha espasu ne'ebé taka metin
- Bainhira distansia fíziku la posível, obrigatóriu ba ita atu uza maskára
- Mantein distánsia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona númeru *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba desenvolvimento COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-